

CONVENIO ENTRE A FUNDACION CEDE-CONFEDERACION ESPAÑOLA DE DIRECTIVOS E EXECUTIVOS, O INSTITUTO GALEGO DE PROMOCIÓN ECONÓMICA, E A AXENCIA DE TURISMO DE GALICIA PARA O DESENVOLVEMENTO DUNHA ACTUACIÓN CENTRADA NAS OPORTUNIDADES E DESAFÍOS DA INTELIXENCIA ARTIFICIAL NO MARCO DA INNOVACIÓN EMPRESARIAL

Dunha parte, Dña. Covadonga Toca Carús, en nome e representación do Instituto Galego de Promoción Económica (en diante, IGAPE), con NIF Q6550010J e domicilio en Edificio Igape, Complexo Administrativo San Lázaro s/n, 15707 Santiago de Compostela, na súa calidade de directora xeral, e, en virtude da delegación de facultades conferida na Resolución do 18 de setembro de 2023 (DOG núm. 184, do 27 de setembro de 2023).

Doutra parte, D. José Manuel Merelles Remy, en nome e representación da Axencia de Turismo de Galicia (en diante, a Axencia), con NIF Q1500394J e domicilio na Barcia. Estrada Santiago-Noia Km.3 - 15896 Santiago de Compostela, en virtude do seu nomeamento efectuado polo Decreto 75/2024, do 22 de abril (DOG núm. 81, do 24 de abril), e conforme ás facultades que lle confire o apartado dous da disposición adicional segunda do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 101, do 27 de maio), que desconcentra na persoa titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia de Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

Doutra parte, D. Pablo Herrera Fontanals, Presidente da Fundación CEDE-Confederación Española de directivos e executivos (en diante a Fundación), con CIF: G-65320863, e con domicilio social en Edificios Trade Gran Vía de Carles III 86, 8-1, 08028, Barcelona, actuando en virtude das competencias que para convir lle confiren os Estatutos da entidade.

Intervenien todos eles en función dos seus respectivos cargos e no exercicio das facultades que, para convir en nome das entidades que representan, teñen conferidas e,

EXPOÑEN

I. Que o Igape creado pola Lei 5/1992, do 10 de xuño, é un ente de dereito público adscrito á Consellería de Economía e Industria polo Decreto 49/2024, de 22 de abril, e entre as súas funcións están a promoción, fomento e potenciación de actividades económicas que favorezan o desenvolvemento equilibrado e integrado tanto en termos sectoriais coma territoriais.

II. Que o Igape constitúe un instrumento básico de actuación da administración autonómica galega para impulsar o desenvolvemento competitivo do noso sistema produtivo, promovendo actividades que contribúan á xeración de emprego en Galicia, e ao progreso económico harmónico, equilibrado e xusto, baseado nun tecido industrial moderno e competitivo. Corresponde, pois, ao Igape a dinamización da economía de Galicia, impulsando a capacidade de innovación, a explotación das vantaxes propias e dos factores endóxenos, a atracción de inversións, a competitividade da economía e o conxunto de actuacións de asesoramento, promoción, información e apoio cara ao cumprimento dos seus obxectivos.



III. Que o Igape no marco das súas funcións considera que o reforzo das actuacións de divulgación, apoio e fomento, sobranceiramente a través de feiras, mostras ou certames cara a dinamización do ámbito da empresa e do emprego, ou a participación en congresos de sectores profesionais claves no ámbito empresarial, constitúen instrumentos relevantes para alcanzar as súas metas.

IV. Que a Axencia de Turismo de Galicia, en virtude do disposto no artigo 1 do Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a axencia pública autonómica que ten como obxectivo impulsar, coordinar e xestionar a política autonómica en materia de turismo e, en especial, a promoción e ordenación do turismo dentro da comunidade.

V. Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Así, o artigo 94 da Lei 7/2011, do 27 de outubro, do turismo de Galicia, regula o fomento do turismo mediante a elaboración, pola Administración da Xunta de Galicia, de programas para potenciar a oferta turística galega, a través de medidas de fomento que permitan acadar, unha serie de obxectivos, entre os que se atopa a diversificación da oferta turística, co impulso da segmentación mediante o apoio ao desenvolvemento, entre outros, do turismo de reunións. Ademais, dentro das liñas estratéxicas de traballo de Turismo de Galicia, atópase especialmente o turismo de congresos, como xeito idóneo de divulgación da oferta turística galega impulsando así a mellora económica do sector.

VI. Que a Fundación CEDE ten como misión agrupar a distintas asociacións de directivos e dotalas dunha representación en consonancia coa relevante función que desenvolven no ámbito socioeconómico, así como estimular as súas actividades e coordinar accións en beneficio das entidades confederadas y das persoas socias individuais, coa fin de contribuír á súa proxección profesional e á formación permanente dos directivos.

A Fundación agrupa 36 asociacións, que suman máis de 163.000 directivos de distintos ámbitos territoriais e sectoriais.

VII. Que á Fundación entre as súas principais actividades ven liderando a organización do Congreso de Directivos, no que participan como poñentes destacados líderes nacionais e internacionais, e que xa foi acollido nas principais cidades españolas como Alicante, Barcelona, Bilbao, Córdoba, Girona, Granada, Palma, Madrid, Málaga, Murcia, Palma, Pamplona, Sevilla, Valencia ou Zaragoza cun gran éxito de asistencia, e cunha media de 1.500 directivos en cada xornada.

A celebración do Congreso, que nesta edición terá a súa sede en territorio galego, concretamente na cidade de A Coruña, vai a supoñer un gran impacto para esta, como cidade de acollida, e tamén para as institucións e as empresas nacionais e locais que van a participar no mesmo.

VIII. Que as partes asinantes manteñen un interese común na innovación, o desenvolvemento económico sostible, a promoción do turismo de calidade e de congresos, e da imaxe de Galicia como destino de primeiro nivel para o desenvolvemento deste tipo de eventos. Neste sentido, o apoio a proxectos que impulsen o crecemento da economía e do fomento da innovación empresarial xeneran un impacto positivo nas políticas e estratexias de mellora do entorno



empresarial e socio-económico de Galicia, e que terán ademais como marco singular a cidade de A Coruña, recentemente designada sede de *AESIA, Agencia Española de Supervisión de la Inteligencia Artificial*, entidade dependente do Ministerio para a Transformación Dixital e da Función Pública.

Por todo o anterior, a subscrición do presente convenio de subvención directa representa o instrumento adecuado de apoio aos obxectivos estratéxicos e ao interese xeral pretendidos polas partes asinantes, circunstancia que determina a dificultade de promover a concorrência pública, para os efectos do establecido no artigo 15.2 da Lei 1/2016, do 18 de xaneiro, de transparencia e bo goberno, nos artigos 19 e 26 da Lei 9/2007, do 13 de xuño, de subvencións de Galicia e no artigo 40 do Decreto 11/2009, do 8 de xaneiro, polo que se aproba o regulamento da citada Lei.

En definitiva, e cara á consecución dos obxectivos expostos as partes asinantes, de común acordo, declaran a súa vontade de subscribir o presente Convenio de con arranxo ás seguintes

CLÁUSULAS

PRIMEIRA. OBXECTO

Constitúe o obxecto do presente convenio establecer as condicións polas que se rexerá a axuda concedida por parte do Igape e da Axencia de Turismo de Galicia, á Fundación coa finalidade de desenvolver o XXIII Congreso de directivos CEDE, a celebrar na Coruña o 28 de novembro, no que se analizarán as oportunidades e desafíos que presenta a Intelixencia Artificial promovendo un espazo de debate, con mesas redondas, ponencias, presentacións e fórmulas de intercambio de coñecementos, para discutir as súas implicacións, desenvolvementos e aplicacións prácticas, co obxectivo de impulsar o progreso cara un futuro tecnoloxicamente máis avanzado, eticamente responsable e seguro.

Esta iniciativa pretende promover o talento, a innovación e o coñecemento en Galicia, contribuíndo de maneira significativa ao desenvolvemento económico e social da comunidade autónoma.

A tal fin, no marco do Congreso, prestarase especial atención aos máis novos, a través do programa "Talento en Crecemento", que busca impulsar a súa participación neste espazo de interacción e aprendizaxe aberto e creativo compartindo ideas e ferramentas con profesionais expertos para acompañarlles na súa saída ao mercado laboral e axudarlles a poñer en valor o seu talento.

SEGUNDA. GASTOS ATENDIBLES

De acordo co previsto no artigo 29 da Lei 9/2007, do 13 de xuño, de subvencións de Galicia, consideraranse subvencionables os gastos que, sen admitir dúbida, respondan á implementación e desenvolvemento das actividades descritas na cláusula anterior e, en definitiva, á consecución do obxecto do convenio.



Requisitos dos gastos con cargo ao convenio:

1. Os gastos deberán ser realizados e efectivamente pagados dentro do ano 2024 e polo tanto, realizados a partir do 1 de xaneiro de 2024 e ata o 10 de decembro de 2024.
2. O importe do IVE (Imposto do Valor Engadido) non se considerará gasto xustificable cando sexa susceptible de recuperación ou compensación. Nembargantes o anterior, o IVE vinculado aos gastos elixibles, terá tamén a consideración de gasto elixible se a entidade acredita a súa exención expresa mediante certificación ao respecto da AEAT ou que tendo pagado o IVE, este non é susceptible de recuperación ou compensación ningunha por parte da entidade. Esta acreditación farase mediante Certificado de Situación Censual expedido pola AEAT no cal se poña de manifesto que a entidade non realiza declaracións, liquidacións ou autoliquidacións deste imposto, acompañado de certificado da AEAT de que se atopa ao corrente das súas obrigacións tributarias, ambos a data de peche da correspondente certificación de gastos. Unha vez pechado o exercicio poderáselle requirir certificación de AEAT que acredite que non presentou a Declaración Anual do Imposto sobre o Valor Engadido.
3. Cando o importe do gasto externo sexa igual ou superior a 15.000 € + IVE (ou a 40.000 € + IVE no caso de obras) a Fundación deberá solicitar como mínimo tres ofertas de diferentes provedores sen que entre eles poida existir vínculo societario, laboral ou de calquera índole de dependencia, con carácter previo á contratación do compromiso para a prestación do servizo ou a entrega do ben, agás que polas especiais características dos gastos non exista no mercado suficiente número de entidades que o subministren ou presten. No suposto mencionado anteriormente, a elección entre as ofertas presentadas, que deberán achegarse na xustificación, realizarase conforme a criterios de eficiencia e economía, debendo xustificarse expresamente nunha memoria a elección cando non recaia na proposta económica máis vantaxosa. Asemade en calquera de ámbolos dous supostos precisarase polo menos a aprobación ex ante do Igape e da Axencia deses gastos e ulterior xustificación e ratificación no Comité de Seguimento do convenio.
4. Todos os gastos xustificados pola Fundación deben axustarse a prezos de mercado, polo que podería solicitarse unha auditoría sobre os gastos xustificados, no caso de que non exista outro patrón de público coñecemento que permita establecer o dito axuste.
5. O Igape e a Axencia farase cargo dos gastos obxecto do convenio tendo en conta como máximo a contía prevista na cláusula seguinte, e co detalle establecido no Anexo I.

Na execución dos gastos realizados, poderanse admitir variacións de ata o 20% en cada partida definida no Anexo I, no caso que a execución final sexa inferior ao previsto, as achegas do Igape e da Axencia reducirase proporcionalmente. En ningún caso a contía económica do IGAPE e da Axencia superará os setenta mil euros (70.000,00 €), que conforman a achega total ao convenio.

A subvención regulada neste convenio será compatible con outras subvencións, axudas, ingresos ou recursos para a mesma finalidade, procedentes de calquera administración ou entidade, pública ou privada, sempre que non se incorra en dobre financiamento. En todo caso, deberá quedar identificada nitidamente a trazabilidade dos gastos e o beneficiario deberá comunicar á Administración que conceda a subvención a obtención doutras subvencións ou axudas para a mesma finalidade.



TERCEIRA. COMPROMISOS DO IGAPE E DA AXENCIA DO TURISMO DE GALICIA

Para o desenvolvemento do Congreso ao que se refire a cláusula primeira, e cuxo custo total ascende a 228.459,30 €, as achegas económicas do Igape e a Axencia, segundo o detallado no anexo I "Memoria Económica", son:

1. O Igape contribuirá cun máximo de trinta e cinco mil euros (35.000,00 €), con cargo á partida orzamentaria 09.A1.741A.7810 para o ano 2024, (Código de Proxecto 2015 00016). O achega.

Partida Orzamentaria	2024	Total
09.A1.741A.7810	35.000,00 €	35.000,00 €

2. A Axencia contribuirá cun máximo de trinta e cinco mil euros (35.000,00 €), con cargo á partida orzamentaria 04.A2.761A.7810 para o ano 2024, (Código de Proxecto 2015 00005).

Partida Orzamentaria	2024	Total
04.A2.761A.7810	35.000,00 €	35.000,00 €

En todo caso, a achega do Igape e da Axencia para posibilitar a realización das actuacións só cubrirá o custo de realización das actividades sen que a Fundación obteña beneficio ou lucro industrial algún coas mesmas.

- ❖ Tanto o Igape como a Axencia especificarán a participación nas actividades públicas ao abeiro do convenio dos representantes da Xunta de Galicia, das súas Consellerías ou departamentos e dos propios organismos, cunha antelación mínima de 10 días naturais antes da data prevista de celebración.
- ❖ No marco deste convenio, o Igape e a Axencia difundirá o proxecto a través das canles que, estando ao seu alcance, considere oportunos.

CUARTA. COMPROMISOS DA FUNDACIÓN

- ❖ A Fundación responsabilízase de executar as actuacións previstas na cláusula primeira.
- ❖ A Fundación participará na difusión das actividades, asegurando a súa presenza nas actividades de comunicación que se organicen.
- ❖ A Fundación deberá desenvolver a actividade obxecto do convenio e xustificar a súa realización ante o Igape e a Axencia, nas contías respectivamente asumidas para percibir o pagamento previsto na cláusula seguinte.
- ❖ A Fundación difundirá a colaboración do Igape e da Axencia en todas as manifestacións públicas que realice.
- ❖ A Fundación comprométese a levar contabilidade separada das contas correspondentes á actuacións obxecto do convenio nas que se poderá comprobar o seu destino na procura das actuacións.



QUINTA. XUSTIFICACIÓN E PAGAMENTO

Conforme ao estipulado no artigo 60 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, o Igape e a Axencia efectuarán o pago da cantidade estipulada no convenio á Fundación previa comprobación da realización do seu obxecto e unha vez validada a documentación xustificativa presentada en cada unha das entidades.

Á vista da documentación presentada, o órgano competente do Igape comprobará a realización da actividade e o cumprimento da finalidade da subvención. Posteriormente remitiralle á Axencia de Turismo de Galicia a documentación presentada e unha certificación da realización do obxecto do convenio e de que os fondos se destinaron ao financiamento das accións descritas nel a efectos de que a Axencia poida proceder ao pagamento da subvención.

A aboamento da achega por parte da Fundación requirirá a previa solicitude do pagamento mediante a presentación das facturas xa aboadas, comprensiva dos custos incorridos e demais documentación xustificativa, que serán presentadas ao remate das actuacións, achegando informe das actuacións realizadas que acredite o dito cumprimento, ademais dos documentos xustificativos previstos nesta cláusula.

A data límite de xustificación será o 20 de decembro de 2024.

A liquidación presentarase vía electrónica, na oficina virtual do Igape na páxina <https://www.igape.gal/gl/oficinavirtual>, en particular a través do código de procedemento PE001, achegando as copias dixitalizadas da documentación que se relacionan a continuación.

A Fundación responsabilizarase da veracidade dos documentos que presenten.

A liquidación estará integrada por:

1. Facturas aboadas segundo o modelo do Anexo II: acompañadas da relación clasificada dos gastos presentados, con identificación do acredor e do documento, o seu importe, a data de emisión e a data de pagamento; Anexo II, no que xa se inclúe a solicitude de pagamento.
2. Informe das actuacións realizadas.
3. Declaración responsable da titularidade da conta bancaria onde se debe realizar o pagamento, tamén incluída no Anexo II.
4. Declaración responsable da persoa que asina a solicitude, en representación do organismo, de que a documentación que se presenta en copias constitúen unha reprodución exacta dos orixinais, os cales lle poderán ser requiridos polo Igape e a Axencia, incluída tamén no Anexo II. Excepcionalmente, cando existan dúbidas derivadas da calidade da copia, o Igape e a Axencia poderán solicitar de maneira motivada o cotexo das copias achegadas polo interesado para o cal se lle poderá requirir a exhibición do documento orixinal.
5. Certificacións expedidas polas respectivas Administracións Públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Xerencia do Igape e da Axencia,



respectivamente, realicen estas consultas polos seus propios medios. De acordo coa cláusula sétima deste convenio, a Fundación autoriza a realización desta petición.

6. De ser o caso, declaración responsable asinada polo representante legal con poder suficiente, doutras axudas de carácter público ou privado para os mesmos gastos obxecto deste convenio ou, se é o caso, ausencia das mesmas.

7. Documentación xustificativa da realización e pagamento do 100% dos gastos:

- ❖ Xustificación dos gastos mediante facturas ou documentos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no punto anterior e xustificante bancario do seu pagamento. Deberase entregar declaración expresa de que as persoas ou entidades subcontratadas para as actividades obxecto da colaboración non teñen vinculación societaria empresarial co organismo que realiza a contratación.
- ❖ Para a consideración do IVE como gasto atendible, de ser o caso:
 - No caso de estar exento do imposto sobre o valor engadido (IVE): Certificación da AEAT de exención do IVE ou
 - Se tendo pagado o IVE, este non é susceptible de recuperación ou compensación ningunha por parte da entidade: Certificado de Situación Censual expedido por AEAT na cal se poña de manifesto que a entidade non realiza declaracións, liquidacións ou autoliquidacións deste imposto acompañado de certificado da AEAT de que se atopa ao corrente das súas obrigacións tributarias, ambos a data de peche da correspondente certificación de gastos. Unha vez pechado o exercicio poderáselle requirir certificación da AEAT que acredite que non presentou a Declaración Anual do Imposto sobre o Valor Engadido.

8. Calquera outra documentación ou material que a Fundación considere necesario presentar para unha mellor xustificación das actuacións obxecto do presente convenio

Requisitos:

- Xustificación dos pagamentos: transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.
- Os gastos deben estar realizados dentro do prazo establecido no convenio, que finaliza o 10 de decembro de 2024.

As contías previstas na cláusula terceira abonaranse segundo os custos xustificadas, cos límites do Anexo I, e da contía máxima da achega económica recollida na dita cláusula.

Considerarase unha execución deficiente do convenio aquela que non acade un 51% de execución do convenio. Neste caso, resolverase o convenio de conformidade co previsto na cláusula seguinte, ante o incumprimento das obrigas e compromisos asumidos pola Fundación.



A Fundación manterá á disposición do Igape, da Axencia ou de calquera organismo público con capacidade de fiscalización da Comunidade Autónoma de Galicia, tales como a Intervención Xeral, o Tribunal de Contas e o Consello de Contas, a conta de explotación segregada correspondente aos medios obxecto do convenio así como todos os xustificantes dos gastos e ingresos obtidos para o fin dunha verificación *in situ*, ben por medios propios ou mediante auditor externo.

SEXTA. VIXENCIA E CAUSAS DE RESOLUCION

Establécese como prazo de vixencia desde a data de sinatura do convenio ata o 31 de decembro de 2024.

O convenio non é susceptible de prórroga.

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso prazo de vixencia do convenio.
- b) O acordo unánime de todos os asinantes.
- c) O incumprimento das obrigas e compromisos asumidos pola Fundación. Neste caso, o Igape e/ou a Axencia poderán notificar á parte incumpridora un requirimento para que cumpra nun prazo de 10 días hábiles coas obrigas ou compromisos que se consideran incumplidos. Este requirimento será comunicado á Comisión de Seguimento do convenio. Se transcorrido o prazo indicado no requirimento persistira o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio.
- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio ou noutras leis.

Así, o incumprimento total dos fins do convenio, a non realización das actividades previstas ou o incumprimento da obriga de xustificación dará lugar á perda do dereito ao cobro ou, no seu caso, ao reintegro da totalidade da contía xa percibida.

Calquera outro incumprimento parcial dos fins do convenio ou da obriga de xustificación, dará lugar a perda do dereito ao cobro ou, no seu caso, ao reintegro ao Tesouro da Xunta de Galicia das contías xa aboadas na porcentaxe correspondente á inversión non efectuada ou non xustificada, cos xuros a que dean lugar, de conformidade coa normativa autonómica de aplicación e nos prazos máis perentorios que esta dispuxese.

Toda alteración das condicións tidas en conta para a subscripción do convenio e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar a modificación da contía contemplada no presente convenio.

SÉTIMA. COMISIÓN DE SEGUIMIENTO

Para velar polo cumprimento do estipulado, constituirase una Comisión Mixta de Seguimento da execución do convenio, formada por dous representantes do Igape, dous representantes da



Axencia, e dous da Fundación, que se reunirán ordinariamente ou a petición dunha das partes de darse circunstancias extraordinarias que así o aconsellaran.

Esta Comisión actuará como órgano de vixilancia, seguimento e control do establecido neste convenio.

O funcionamento da Comisión de Seguimento farase ao abeiro do réxime xurídico dos órganos colexiados contido na sección III, co capítulo I do título I (artigos 15 e seguintes) da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

OITAVA. MODIFICACIÓNS

O presente convenio poderá ser obxecto de modificación cando teña como finalidade o logro dos obxectivos de estabilidade orzamentaria e sustentabilidade financeira. A devandita modificación só poderá ter por obxecto a redución do volume das obrigas ou a redistribución entre os gastos previstos. Os conceptos que conforman o obxecto do convenio só serán modificables cando estean debidamente xustificadas e previa aprobación da Comisión de Seguimento, e sempre que sexan cambios para o cumprimento dos seus obxectivos.

Toda alteración nas accións a realizar, agás as sinaladas no parágrafo anterior, deberá ser obxecto de autorización polo Igape e formalizarse mediante a correspondente addenda ao presente convenio.

NOVENA. PUBLICIDADE

A Fundación dá consentimento expreso ao Igape e a Axencia para:

- a) O tratamento necesario dos datos relevantes deste convenio e a súa publicación na páxina web do Igape, así como no Diario Oficial de Galicia, coas excepcións previstas na normativa vixente en materia de protección dos datos de carácter persoal.
- b) Incluír e facer público, a través do Portal de Transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas e subvencións recibidas ao abeiro do presente convenio, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.
- c) O cumprimento do disposto no artigo 20 da Lei 38/2003, do 17 de novembro, xeral de subvencións polo que a información relativa ao convenio requirida no ordinal oitavo do devandito artigo 20 será comunicada á Base de datos nacional de subvencións (BDNS).

DÉCIMA. PROTECCIÓN DE DATOS PERSOAIS E AUTORIZACIÓNS

En virtude do disposto no artigo 26 do Regulamento (UE) 2016/679, xeral de protección de datos (RXPd) e na Lei orgánica 3/2018, do 5 de decembro, de protección de datos persoais e garantía dos dereitos dixitais (BOE nº 294, do 6 de decembro), o acceso a datos de carácter



persoal contidos en ficheiros titularidade da Fundación, supón a adquisición da condición de encargados do tratamento e comprométense a:

- Non utilizar nin tratar datos de carácter persoal con finalidade distinta á execución deste convenio, non comunicar os datos baixo ningún concepto a terceiras persoas, nin sequera para a súa conservación e, en especial, non reproducir, nin publicar, nin difundir ningunha información acerca dos datos.
- Garantir o cumprimento das medidas de seguridade establecidas, así como a súa correcta implementación.
- Ao termo da relación, por calquera causa, os datos de carácter persoal aos que tivesen tido acceso as restantes partes, deben ser destruídos ou devolverse á Fundación, incluíndo calquera soporte ou documento.

O incumprimento destas obrigas fai responder ás restantes partes das infraccións que cometa coma se ocupase a posición de responsable do tratamento.

O Igape e a Axencia responderá fronte á Fundación do cumprimento destas obrigas polas persoas que na súa representación participen de calquera modo na execución deste convenio.

A Fundación autoriza ao Igape e a Axencia á obtención de forma directa da acreditación do cumprimento das súas obrigas tributarias coa Axencia Estatal da Administración Tributaria, coa consellería competente en materia de Facenda da Xunta de Galicia e coa Tesouraría Xeral da Seguridade Social, a través de certificados telemáticos.

DÉCIMO PRIMEIRA. RESPONSABILIDADE

A subscrición do presente convenio non implicará relación laboral contractual ou de calquera outro tipo entre os profesionais ou entidades que vaian desenvolver as actuacións obxecto deste convenio e o Igape ou a Axencia, de tal xeito que non se poderá esixirlles responsabilidade ningunha, nin directa nin subsidiariamente, polos actos ou feitos acaecidos no desenvolvemento do devandito convenio.

DÉCIMO SEGUNDA. NATUREZA E RESOLUCION DE CONFLITOS

O presente convenio ten carácter administrativo e asínase ao abeiro dos artigos 19.4 e 26 da Lei 9/2007, do 13 de xuño, de subvencións de Galicia, rexéndose para os seus efectos polo establecido nas súas cláusulas e polas previsións do Decreto 11/2009, de 8 de xaneiro, polo que se aproba o regulamento do citado texto legal.

Ambas partes comprométense a resolver de común acordo, ante a Comisión de Seguimento, calquera controversia que puidera suscitarse sobre a interpretación ou execución deste convenio. Non obstante, as cuestións litixiosas que poidan xurdir na interpretación ou no incumprimento das obrigas que se deriven do presente convenio, e que non poidan ser dirimidas pola dita Comisión de Seguimento quedarán sometidas á orde xurisdiccional Contencioso-Administrativa.

E en proba de conformidade, as partes asinan o presente convenio o 20 de novembro de 2024.

Polo Igape,

Covadonga Toca Carús

Pola Axencia de Turismo de Galicia,

José Manuel Merelles Remy

Pola Fundación CEDE,

Pablo Herrera Fontanals



ANEXO I: MEMORIA ECONÓMICA

CONVENIO DE COLABORACIÓN ENTRE A FUNDACION CEDE-CONFEDERACION ESPAÑOLA DE DIRECTIVOS E EXECUTIVOS, O INSTITUTO GALEGO DE PROMOCIÓN ECONÓMICA, E A AXENCIA DE TURISMO DE GALICIA PARA O DESENVOLVEMENTO DUNHA ACTUACIÓN CENTRADA NAS OPORTUNIDADES E DESAFÍOS DA INTELIXENCIA ARTIFICIAL NO MARCO DA INNOVACIÓN EMPRESARIAL

Para o desenvolvemento do Congreso, cun custo que ascende a un total de 228.459,30 €, o Igape e a Axencia realizarán unha contribución dun máximo de 35.000,00 € cada unha delas, e a súa achega total aos gastos do convenio non superará os 70.000,00 € co desglose seguinte :

1. IGAPE:

Partida Orzamentaria	2024	Total
09.A1.741A.7810	35.000,00 €	35.000,00 €

2. AXENCIA:

Partida Orzamentaria	2024	Total
04.A2.761A.7810	35.000,00 €	35.000,00 €



O desglose detallado do presuposto das actuacións a desenvolver é o seguinte :

ORZAMENTO DO PROXECTO

Gastos desenvolvemento XXIII Congreso de directivos CEDE "Oportunidades e desafíos que presenta a Intelixencia Artificial"	Tipoloxía de gasto/gastos subvencionables	Importe ano 2024
	<i>Aluguer Palacio de Congresos (Palexco)</i>	19.500,00 €
	<i>Servizos audiovisuais salas Palexco (sala VIP, sala prensa, sala persoas mozas, sala organización)</i>	11.428,50 €
	<i>Servizos audiovisuais sala Palexco (auditorio principal)</i>	45.710,00 €
	<i>Deseño imaxe ol Congreso, deseño espazos, escenarios e produción</i>	61.669,00 €
	<i>Produción do sinal de televisión (TVG)</i>	11.980,00 €
	<i>Iluminación auditorio para produción calidade broadcast</i>	2.000,00 €
	<i>Catering congreso (2 servizos café, cóctel, dietas organización)</i>	59.192,00 €
	<i>Azafatas/os</i>	13.748,00 €
	<i>Persoal sanitario/Ambulancia</i>	1.069,30 €
	<i>Servizo de limpeza</i>	1.040,00 €
TOTAL GASTOS		228.459,30 €

Na execución das actuacións a desenvolver poderanse admitir variacións de ata o 20% en cada partida definida nas táboas anterior, e no caso de que a execución final sexa inferior ao previsto, a aportación reducirase proporcionalmente. En ningún caso a aportación do IGAPE e da Axencia superará os 70.000,00 €.



ANEXO II
CERTIFICACIÓN DE GASTOS

CONVENIO								DOCUMENTOS DE PAGO			
IGAPE/AXENCIA-Fundación											
Actuación	CONCEPTO	Nº FACT. / DOCUM	DATA	NOME DO PROVEDOR	Descrición/ Concepto	IMPORTE TOTAL CON IVE	IMPORTE IMPUTABLE AO CONVENIO	DATA	IMPORTE	CONTA CARGO	ENTIDADE FINANCEIRA
TOTAL											

Don/Dona _____ con NIF nº _____, actuando en nome e representación da entidade arriba indicada,

EXPÓN:

Que no período comprendido entre o _____ e o _____ incorreu e asumiu gastos que comprenden conceptos e importes atendibles no convenio de referencia por un importe de _____ euros. Os gastos pagados ou facturados reflíctense fielmente na contabilidade da empresa.

Que para a tramitación desta certificación de gastos presenta a documentación requirida no convenio.

DECLARA:

- Que os datos consignados nesta certificación son certos. A falsidade do declarado determinará a imposibilidade de percibir, de ser o caso, os dereitos recoñecidos no procedemento administrativo desde o momento en que se teña constancia da falsidade, sen prexuízo das responsabilidades penais, civís ou administrativas que procedan.
- Que a seguinte conta bancaria, da ca é titular a entidade de referencia, é a especificamente designada aos efectos de cobramento da contribución do Igape e da Axencia, respectivamente, ao obxecto do convenio entre a Fundación e o Igape para a execución de actividades 2024.

Entidade	Sucursal	D.C.	IBAN

- Que as copias dixitalizadas presentadas no expediente constitúen unha reprodución exacta dos seus orixinais.

E por todo iso,

SOLICITA:

Que lle sexa aboada á entidade arriba indicada o importe de _____ euros (100% do importe anterior), ingresándose conta bancaria anteriormente designada.

_____, _____ de _____ de _____
(Sinatura do/a representante)